



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იორდასალამი



იორდასალამი

იორდასალამი (*Paeonia*), მრავალწლოვანი ბალახოვანი მცენარეების, იშვიათად ბუჩქების ან ბუჩქბალახების გვარი იორდასალამისებრთა ოჯახისა. აქვთ წითელი, ვარდისფერი ან, იშვიათად, მოყვითალო, მარტოული დიდი ყვავილები, ფოთლურა ნაყოფი. გვარში 35-მდე სახეობაა, რ-ებიც გავრცელებულია ევრაზიის ზომიერ სარტყელში, ევროპაში, ჩრდ.დას. ამერიკასა და კავკასიაში.

საქართველოში გვხვდება 10 სახეობა, რ-თაგანაც 2 – ლაგოდეხის ი. (*P. lagodechiana*) და კავკასიის ი. (*P. caucasica*) – კავკასიის ენდემია, 7 კი – მაიკოს ი. (*P. majko*), ქართლის ი. (*P. carthalinica*), რუპრეხტის ი. (*P. ruprechtiana*), მლოკოსევიჩის ი. (*P. mlokosewitschii*), ვიტმანის ი. (*P. wittmaniana*), სტევენის ი. (*P. steveniana*), მსხვილფოთოლა ი. (*P. macrophylla*) – საქართველოს ენდემი.

სახეობათა უმრავლესობა მესამეული პერიოდის რელიქტია. ზოგიერთი მათგანი ფართოფოთლოვან რელიქტურ ტყეებში გვხვდება. მეტად ლამაზი დეკორ. მცენარეებია. მებალეობაში უამრავი ჯიშია გამოყვანილი. ზოგ სახეობას ხალხურ მედიცინაში იყენებენ.

გ. ნახუცრიშვილი

ლ. ხინთიბიძე
